



fit, ac uictor extitit.

Albertus ex illustri familia Heinrici Leonis Saxoniae ducis prognatus fuit. Hic cum fratre Ioanne paternam hereditatem diuidens, Brunsvicensem ducatum retinuit, atque fratri Luneburgum administrandum concessit. Erat Albertus magna corporis & animi fortitudine insignis. Itaque aduersarios suos nobiles ab Aschenburg, comitem ab Eberstein, & Moguntinum praesulem compefcuit, & partim sustulit, partim in captiuitatem redigit. Hinc ciues Embecenses commoti sese sua sponte optimo huic principi subiecere, cum prius comitem a Dassel dominum agnouissent. Postea quoque cum Episcopo Hildesheimensi bella ges-